

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلكمزه موافق آثار قبول اولنور.
دزج اولنمایان اوراق اعاده اولماز.

معارف

اداره خانه بی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

ایکی ساحل آراستہ تسہیل مراودات ایچون بر چوق صورتلر عرض و تکلیف ایدلدی. ازجمله لوندره قله سنک جهت شرقیه سندن تحت الزمین بر بچق کیلومترو طولندہ بر طریق وجودہ کتیرلک صورتی تکلیف ایدلمش ایدی؛ رد اولندی. صوکرہ بر قومانیہ چیقوب شمیدیکی کوپرونک موقعندہ قسم وسطیسی ایکی جھتلی اولق اوزرہ، بر کوپرو انشاسنی تکلیف ایدی. پروژہ سنہ نظر آ بو کوپرو، سفانک حین مرورندہ بر جھق آچیلوب کی اورتہ کچکدکن صوکرہ قبانہرق دیگر جھق آچیلوب جھق، کی اورادن ده کچک جک ایدی. بونک بویله آچیلوب قبانہ سنندہ، بالخاصہ نہرک زمان فیضانندہ، مشکلات کورولہ جکی ملاحظہ سنہ مبنی بوتکلیفده قبول ایدلدی.

نہایت، مترددانہ بر چوق تشبثات و تحریاتدن صوکرہ، طرز عادیہ اولق فقط آلتندن واپور و سفان مرور ایدیلک اوزرہ بر کوپرو انشاسنہ قرار ویرلدی. بو قرار اوزرینہ ۱۸۸۴ سنہ سندن اول قائم مقام «های وود» کمرلری متحرک بر کوپرو انشا سنی تکلیف ایتدیکی کی «سیردوغلاس غلاتون»، «سیر جون هاوس هام» نام ذاتلرده عادتاً محوری اوزرندہ متحرک دوار بر کوپرو پلاتی تقدیم ایتشلر ایدی. نتیجہ: سرمعمار مملکت «سیر هوراس جون» ک ایکی قاتلی اولہرق آلت قاتی آچیلوب قبانق اوزرہ تصور ایتدیکی کوپرونک صورت انشاسی حقدنہ تنظیم ایلہدیکی پروژہ بعض تمدنیات ایلہ صورت قطعیدہ مظهر قبول اولدی.

کوپرونک وسطی کمری ۶۶ مترو و ۶۰ سانتیمتر عرضندہ اولوب اشبو کمرک مبتنی اولدینی ایکی ایانک (ستونک) آرا سندنہ کی بعد مسافہ طولاً ۶۱،۶۰ عرضاً ۲۳،۳۰ مترودر. کمرلرک ہر بری دہ ۶۰ مترو طولندہدر.

بیان اولنان ایکی ایانک نہر دروندہ انشاسی ایچون پک چوق زمان و مساعی صرف ایدیلوب نہایت موفقیہ حاصل اولمشدر. بویاقلرک آراستہ کی کمرلردن الت کمر سطح مادن ۱۰،۶۰ مترو مرتفع اولوب آلتندن مراکب صغیرہ کچکیلکدہ وجسم واپورلر کچک جکی زمان دخی ایکی یہ منقسم بولنان بوجسم کمر ایکی طرفدن قالدیریلہرق کنیش بر یول آچیلقدہدر. آیاقلرک داخلندہ کوپروی ادازہ مأمور اولاندہ مخصوص ایکی جسم اوطہ بولنقدہ اولدینی کی صو ایلہ ایشلہین ماکنلرہ مخصوص ایکی اوطہ ایلہ کمری تدویر ایدن محور افقی نك دخولنہ مخصوص اولہرق ایکی اوزون تونل انشا ایدلمشدر.

کوپرونک آچیلوب سی ایچون نہایت بر بچق دقیقہ زمان صرف ایدلمکدہدر. خلاصہ: شو کوپرو عجائب عالمدن معدود بولدینی کی «تایمس» نہرینک ایکی ساحلی آراستہ مرور و عبوری تأمین و تسہیل ایتمش و بوندن دولایی مؤسس و بانیسی تبریکہ شایان کورولمکدہ بولمشدر.



بر مسابقہ فنیہ

فوطوغرافک فنہ اولانہ خدمتی

فوطوغراف واسطہ سیلہ شمیدیہ قدر فنونہ ایدیلن خدمت جای انکار دکلدر. بونک آثاری ہر کون بر صورتلہ رونما اولمقدہدر. «لارہ و سوویس دوفوطوغرافی» نام غزتہ بوکرہ لوندہ قلوب رئیس «موسیو و. آب نہی»، فرانسه فوطوغراف جمعیتی رئیس «موسیو ا. ژ. مارہی»، ارباب فنوندن «موسیو ژانسن» ایلہ ویانہ مکتب

ایمپراطوریسی معلملرندن «دوقتور ہدہر» نام ذواتک معاوتی ایلہ فوطوغراف مراقلیلرینی بر مسابقہ دعوت ایتمشدر. مسابقہ واقعہ برداملہ صویک سقوطی حالندہ کی شکل صحیحینی فوطوغرافلہ تصویر وارانہ یہ منحصردر. فوطوغرافی آلنہ جق داملہ لری تشکیل ایدہ جک اولان صو تقطیر ایدلمش اولق و بلور یاخود معدن برانبوبہ داخلندہ بولنوب داملہ لری یکدیگرینہ قاریشماق ایچون بر موصلق واسطہ سیلہ برر ثانیہ فاصلہ ایلہ مسافہ معینہ دن سقوط ایتک و کال سکون ایلہ سقوطنی محافظہ ایچون جریان هوادن محفوظ بر محلہ بولنق مشروطدر.

فوطوغرافی، آلنہ جق داملہ لر جسامت طبیعیہ یی حائر اولق ایجاب ایدیور. فوطو-غراف، جام، دری، یاخود کاغذ اوزرینہ آلنہ سیلہ جک و «رتوش» عملاتی یاللقسزین فوطوتیپ یعنی «نہ غاتیف» حالندہ ۱۸۹۴ سنہ سی تشرین اولنک اون بشندن اول جنودہ «مولدار» میدانندہ سالف البیان غزتہ نك دیرکتوری نامہ کوندریلہ جکدر.

موسیو «مارہی»، دوقتور «ہدہر» ایلہ غزتہ نك دیرکتورندن مرکب بر ہیئت حکمیہ کوندریلن فوطوغرافلری تدقیق ایدہرک مطلوبہ موافق کوروللردن برنجیسنک عاملنہ مذہب، ایکنجیسنہ کوموش، اوخنجیسنہ طونجندن معمول برر مدالیہ ایلہ بردہ تقدیر نامہ اعطا اولنہ جق و ہیئت مذکورہ نك تقدیری قابل استیناف اولمہ جق ایش.

اک زیادہ تقدیر ایدیلن رسملر پیولہ یلہرک رسائل فنیہ درج اولنہ جقدر.

شمیدیہ قدر فوطوغرافچیلرک بویله بر شیئہ تطبیق ایدلمش اولہ سنہ مبنی بو مسابقہ نك فن ایچون شایان حیرت نتیجہ یی مستلزم اولہ جنی امید ایدلمکدہدر.